



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2026/0541
Data e Vendimit: 30.07.2026

Në bazë të nenit 105 pika 1 dhe 2, të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik ALLIANCE SH.P.K., lidhur me aktivitetin e prokurimit Digjitalizimi në objektet shkollore (Digjitalizimi i procesit shkollor-Zhvillimi i softuerit shkollor, blerja e Smart Boards dhe time attendance për realizimin e procesit shkollor) - projekt tre vjecar me nr të prokurimit 612-26-3850-1-1-1, iniciuar nga autoriteti kontraktues (AK) – Kuvendi Komunal Fushë Kosovë, Kryesuesi i Sekretariatit të Organit Shqyrtues të Prokurimit Ardian Behra me 30.07.2026, mori këtë:

Vendim

I. Hedhet si e jashtafatshme, ankesa e ALLIANCE SH.P.K., me Nr. të Protokollit 2026/0541, e datës 27.07.2026, lidhur me aktivitetin e prokurimit Digjitalizimi në objektet shkollore (Digjitalizimi i procesit shkollor-Zhvillimi i softuerit shkollor, blerja e Smart Boards dhe time attendance për realizimin e procesit shkollor) - projekt tre vjecar me nr të prokurimit 612-26-3850-1-1-1, iniciuar nga Kuvendi Komunal Fushë Kosovë, në cilësinë e autoritetit kontraktues (AK).

II. I lejohet autoritetit kontraktues – Kuvendi Komunal Fushë Kosovë, që të vazhdojë më tutje me aktivitetin e prokurimit Digjitalizimi në objektet shkollore (Digjitalizimi i procesit shkollor-Zhvillimi i softuerit shkollor, blerja e Smart Boards dhe time attendance për realizimin e procesit shkollor) - projekt tre vjecar me nr të prokurimit 612-26-3850-1-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

III. Në përputhje me nenin 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimit të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

Arsyetim

-Faktet dhe rrethanat procedurale-

Organi Shqyrtues i Prokurimit në sistemin elektronik me datë 27.07.2026, ka pranuar ankesën me Nr. Protokolli 0541/2026 nga OE ALLIANCE SH.P.K., lidhur me aktivitetin e prokurimit me titull: Digjitalizimi në objektet shkollore (Digjitalizimi i procesit shkollor-Zhvillimi i softuerit shkollor, blerja e Smart Boards dhe time attendance për realizimin e procesit shkollor)- projekt tre vjecar me nr të prokurimit 612-26-3850-1-1-1, inicuar nga Kuvendi Komunal Fushë Kosovë, në cilësinë e Autoriteti Kontraktues.

Autoriteti Kontraktues me datën 26.05.2026 ka publikuar B05 Njoftimin për kontratë, për aktivitetin e prokurimit me titull: Digjitalizimi në objektet shkollore (Digjitalizimi i procesit shkollor-Zhvillimi i softuerit shkollor, blerja e Smart Boards dhe time attendance për realizimin e procesit shkollor)- projekt tre vjecar me nr të prokurimit 612-26-3850-1-1-1, ku afati i fundit për pranim të tenderëve ka qenë me datën 06.07.2026.

Megjithatë, Autoriteti Kontraktues më pas ka publikuar Formularin B54 – Formulari standard për korrigjimin e gabimeve në njoftimet e publikuara, përmes të cilit janë bërë ndryshime të njëpasnjëshme në afatet e procedurës, respektivisht dy herë radhazi: më datën 02.07.2026 dhe 07.07.2026. Sipas korrigjimit të fundit përmes Formularit B54, data përfundimtare për pranim të tenderëve është caktuar të jetë me datë 20.07.2026.

Operatori Ekonomik ALLIANCE SH.P.K., ka parashtruar kërkesë për rishqyrtim pranë AK - së me datën 14.07.2026 në ora 19:18 e cila i bie të jetë parashtruar me datën 15.07.2026 dhe e cila është në kundërshtim me RrPP-në Nenin 60 pikë 60.1 nënpika a) Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0). Ky afat nuk aplikohet në rastet kur RREGULLORE PËR PROKURIMIN PUBLIK – Versioni i konsoliduar 135 AK bën zgjatje të afatit të fundit për dorëzim të ofertave pas vendimit për refuzim të kërkesës për rishqyrtim sipas Nenit 63.1.1 të kësaj rregullore. Në kalkulim të afateve kohore, dita e publikimit të Njoftimit mbi vendimit të AK është dita (0). Andaj mbështetur në Nenin 62 pikën 62.1 nënpika a) refuzohet si e jashtë afatshme kjo kërkesë për rishqyrtim. RrPP-në Nenin 62.1 Autoriteti Kontraktues, respektivisht Zyrtares Përgjegjëse i Prokurimit, do ta refuzojë një kërkesë për rishqyrtim kur: a) Kërkesa nuk dorëzohet brenda afateve kohore të përcaktuara në nenin 60.1 të kësaj rregullore;

- Administrimi dhe Vlerësimi i provave –

Nga provat e prezantuara vërtetohet se për aktivitetin e prokurimit Digjitalizimi në objektet shkollore (Digjitalizimi i procesit shkollor-Zhvillimi i softuerit shkollor, blerja e Smart Boards dhe time attendance për realizimin e procesit shkollor)- projekt tre vjecar me nr të prokurimit 612-26-3850-1-1-1, iniciuar nga Kuvendi Komunal Fushë Kosovë, në cilësinë e autoriteti kontraktues (AK).

OE ALLIANCE SH.P.K., ka parashtruar kërkesën për Rishqyrtim jashtë afatit ligjor ndaj vendimit/njoftimit të fundit të AK-së.

-Përfundim-

OSHP sqaron se OE Ankues ka qenë i obliguar që në pajtim me paragrafin 3.2 të nenit 108/A të LPP-së, brenda afateve ligjore të parashtrorj kërkesë për rishqyrtim në AK dhe vetëm pas udhëheqjes së procedurave paraprake në AK, Operatori ekonomik në pajtim me nenin 109 të LPP-së do të mund ti drejtohet me ankesë OSHP-së. Neni 108/A paragrafi 3.2 i LPP-së përcakton se operatori ekonomik ankues kërkesën për shqyrtim duhet të dorëzoj tek autoriteti përkatës kontraktues: *në qoftë se shkëlja e supozuar ka të bëjë me njoftimin e kontratës ose ose me dokumentet e tenderit*, se paku pesë (5) ditë para afatit të fundit për dorëzim të ofertave. Po ashtu, edhe neni 60.1 pika a) në Rregulloren 001/2022 për Prokurim Publik përcakton se: *Kurdo qe kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0). Ky afat nuk aplikohet në rastet kur RREGULLORE PËR PROKURIMIN PUBLIK – Versioni i konsoliduar 135AK bën zgjatje të afatit të fundit për dorëzim të ofertave pas vendimit për refuzim të kërkesës për rishqyrtim sipas Nenit 63.1.1 të kësaj rregullore..*

Përfundimisht nga shkresat e lëndës konstatohet se ankesa e parashtruar në Organin Shqyrtues të Prokurimit me datë 27.07.2026, nga OE ALLIANCE SH.P.K., për aktivitetin e prokurimit Digjitalizimi në objektet shkollorë (Digjitalizimi i procesit shkollor-Zhvillimi i softuerit shkollor, blerja e Smart Boards dhe time attendance për realizimin e procesit shkollorë)- projekt tre vjecar me nr të prokurimit 612-26-3850-1-1-1, iniciuar nga autoriteti kontraktues AK – Kuvendi Komunal Fushë Kosovë, hedhet si e jashtafatshme sepse ankuesi nuk ka parashtruar kërkesën për rishqyrtim brenda afateve ligjore kundër njoftimit të Autoritetit Kontraktues. Andaj Organi Shqyrtues i Prokurimit në rrethana të tilla sqaron se vetëm pas udhëheqjes së një procedure paraprake të rregullt dhe brenda afateve ligjore pranë AK, ankuesi mund ti drejtohet me ankesë OSHP-së. kjo ankesë është në kundërshtim me nenin 5, 108/A dhe 109 të Ligjit për Prokurim Publik, dhe neni 60 të Rregullores 001/2022 për Prokurim Publik, dhe si e tillë hedhet si e jashtafatshme dhe nuk hynë në shqyrtim nga OSHP.

Autoritetit kontraktues – Kuvendi Komunal Fushë Kosovë, mund të vazhdoj më tutje me aktivitetin e prokurimit (e përshkruar me sipër) nëse nuk ka ankesë tjetër për këtë aktivitet. Organi Shqyrtues i Prokurimit i vë në dijeni se në çdo aktivitet AK duhet të veproj konform dispozitave dhe autorizimeve ligjore siç përcaktohen ato me nenin 1, 6, 7, 27, 28, 59, 60, 65 të LPP-së.

Lidhur me tarifën ankimore vendoset në përputhje me nenin 31 pika 4, të Rregullores së Punës së OSHP-së, që operatorit ekonomik ankues ti kthehet tarifa e ankesës në shumën e deponuar me rastin e parashtrimit të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

Kryesuesi i Sekretariatit të OSHP-së, duke u bazuar në atë që u tha si më lartë, vendosi si në dispozitiv të këtij vendimi.



Ardian Behra
Kryesues i Sekretariatit

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi ka të drejtë t'i drejtohet Gjykatës Komerciale në Prishtinë, në afat prej 30 ditësh nga data e pranimi të këtij vendimi.

Vendimi t'i dorëzohet:

- **AK - KUVENDI KOMUNAL FUSHË KOSOVË**
- **OE - ALLIANCE SH.P.K.**
- Arkivës së OSHP-së: